

Ph.d-nut aamma postdoc-inut 2026-mi tapiissutit pillugit allagarsiussa

Piomasagaatit, ilitersuullu

Tapiissutit siunertaat, piomasagaatillu	1
Aningaasaliissutitut piomasagaatit	1
Qinnuteqarnissamut, inunnullu tunngatillugu paasissutissanik suliaqarnermut tunngaviit	2
Apeqqutit, ikiorserneqarnerlu	3
Qinnuteqarnissamut killissarititaq	3
Qinnuteqartoq	4
Qinnuteqaat	4
Qinnuteqartup qinnuteqaammik nutarterinera	5
Qinnuteqariaaseq, ilusissaanullu piomasagaat	7
Ph.d.-mut qinnuteqaammut immikkut ittumik piomasagaat	10
Postdoc-imut qinnuteqaammut immikkut ittumik piomasagaat	13
Qinnuteqaammik suliaqarneq	14
Nalilersuinissami tunngaviit	15
Tamanut saqqummiussineq	16
Ilanngussaq	17
Ukiunut pingasunut ph.d.-mut missingersuutitut assersuut	17



Tapiissutit siunertaat, piumasaqaatillu

Kalaallit Nunaanni ilisimatusarnermik ineriartortitsineq, ilisimatusartunik atorfinitsitsisarneq kiisalu ilisimatusarnerup pitsaassusaa qaffassarniarlugu Nunatsinni Ilisimatusarnermik Siunnersuisoqatigiit aamma Pinngortitaleriffik matumuuna ph.d.-nut tapiissutinik (ukiuni pingasuni) imaluunniit postdoc-inut tapiissutinik (ukiuni marlunni) qinnuteqaqqusipput. Tapiissutit ilisimatusarnermik suliaqarfiit tamat iluini atorreqarsinnaapput.

Phd-mik ilinniagaqartutut ilisimatusarnermik ilinniarneq (konto 64.30.03) aqutigalugu tapiissutit Namminersorlutik Oqartussanit aningaasalersorneqarput, Danmarkimiillu *Kalaallit Nunaanni ilisimatusarnermik tapersersuinerneq* (konto 19.55.05.30) aqutigalugu naalagaaffimmit aningaasalersorneqarlutik. Tapiissutit Nunatsinni Ilisimatusarnermik Siunnersuisoqatigiinnit agguanneqartarput, Pinngortitaleriffimiillu aqunneqartarlutik.

Kalaallit Nunaata kissaatai, ilisimatusarnissamillu pisariaqartitai aallaavigalugit ilisimatusarnerit najukkami tunngavillit Nunatsinni Ilisimatusarnermik Siunnersuisoqatigiit tapersersorpaat. Tamanna pillugu inuiaqatigiinni akisusaanissamut, ileqqorissaanissamut, minnerunngitsumillu najukkami tunngaveqarnissamut, najukkamiinnissamullu siunnersuisoqatigiit piumasaqaateqarput. Ilisimatusarnermi angusat pingaaruteqassusaat, atorsinnaassusaat, piujuarsinnaassusaallu ilisimasat pillugit suleqatigiinnerup, pilersitseqatigiinnerullu qulakkeerpaat, ilisimatusarnerlu tamakkerlugu Kalaallit Nunaanni inuiaqatigiinnut, matumani innuttaasut aamma atuisut, najukkami suliffeqarfiit aamma soqutigisaqatigiit ilanngullugit, pimoorussinermik qinnuteqaatit takutitsisariaqarlutik. Qinnuteqartoq Kalaallit Nunaanni ilisimatusarfimmi atorfeqartariaqarpoq imaluunniit attaveqartariaqarluni, suliniutissatullu siunnersuutigineqartoq Kalaallit Nunaanni ilisimatusarnermut periusissiamut (takuuk allagaat *Ilisimatusarneq – ineriartornermut aqutissaavoq, Kalaallit Nunaanni ilisimatusarnermut periusissiaq 2022-2030* (https://nis.gl/wp-content/uploads/2024/01/Forskningsstrategi_dec_2022ny.pdf) qanoq tapersiinersoq isummertariaqarluni.

Aningaasaliissutinut piumasaqaatit

Nunatsinni Ilisimatusarnermik Siunnersuisoqatigiit *Ilisimatusarnermut siunnersuisarneq ilisimatusarnermullu aningaasaliisarneq pillugit Inatsisartut inatsisaat nr. 5, 29. november 2013-meersoq* inatsisitigut tunngavigisaraat.

Danmarkimit aningaasaliissutitut piumasaqaatit Uddannelses- og Forskningsministeriaqarfimmit aalajangersagaapput (takuuk <https://ufm.dk/forskning-og-innovation/tilskud-til-forskning-og-innovation/administration-af-bevilling/vilkar-for-bevillinger>).

Qinnuteqarnissamut, inunnullu tunngatillugu paasissutissanik suliaqarnermut tunngaviit

Naalagaaffimmi innuttaassuseq apeqqutaatinnagu tunngaviit assigiipput.

Qinnuteqartoq siusinnerusukkut Nunatsinni Ilisimatusarnermik Siunnersuisoqatigiinnut qinnuteqarsimappat qinnutigisimasai, qinnutigisailu piffimmi pigineqartut pillugit Pinngortitaleriffiup aamma Nunatsinni Ilisimatusarnermik Siunnersuisoqatigiit paasissutissanik piniarsinnaanerat, qinnuteqartup qinnuteqaammik nassiussinermini akuerissavaa. Qinnuteqartoq suliniummut allanit aningaasaliissutissanik qinnuteqarsimaguni qinnutigisimasai imaluunniit qinnutiginiagai pillugit paasissutissanik piniarsinnaanerat assinganik akuerissavaa. Paasissutissat taakku qinnuteqaammik suliaqarnermut ilanngunneqarsinnaassapput.

Nunatsinni Ilisimatusarnermik Siunnersuisoqatigiit aamma Pinngortitaleriffik qinnuteqaammik naliliinariarnermini kiisalu aningaasaliissutit, qinnuteqartut, aningaasaliissutinillu tigusaqartut pillugit tamat isiginnissuseqarnissaminut innut tunngatillugu paasissutissat atortarpaat. Taassuma saniatigut ukiumoortumik nalunaarusiami, nittartakkami imaluunniit allatigut paasissutissiiniarnermi suliniutip eqqaaneqarnissaanut atatillugu paasissutissat atorineqartarput.

Innut tunngatillugu paasissutissat pissarsiarineqartut Nunatsinni Ilisimatusarnermik Siunnersuisoqatigiit aamma Pinngortitaleriffiup minnerpaamik qinnuteqaat pillugu aalajangiinissap tungaanut tigummisarpaat. Tapiissuteqannginnissamik aalajangiisoqarpat, Nunatsinni Ilisimatusarnermik Siunnersuisoqatigiit aamma Pinngortitaleriffiup qinnuteqartut pillugit allattorsimaffiini qinnuteqartup aqqa, suliniutillu taaguutaa allattorsimaffimmiittuutigneqassapput.

Qinnuteqartup akuersinini qaqugukkulluunniit utertissinnaavaa. Taamaattoqassappalli qinnuteqaat attuumassuteqartoq suliarineqarsinnaassanngilaq imaluunniit aningaasaliissutigineqartut tunuartinneqartariaqarsinnaallutik.

Nunatsinni Ilisimatusarnermik Siunnersuisoqatigiit aamma Pinngortitaleriffiup qinnuteqartoq pillugu paasissutissat pigisai qinnuteqartup stipendier@natur.gl-imut allannermigut paasisaqarfigisinnaavai imaluunniit peersissinnaavai.

Apeqqutit, ikiorserneqarnerlu

Apeqqutissaqaraanni Klaus Nygaard mailimut stipendier@natur.gl -imut imaluunniit oqarasuaammut +299 361 200-imut attavigineqarsinnaavoq.

Qinnuteqarnissamut killissarititaq

Qinnuteqaammik kingusinnerpaamik nassitsivissaavoq **1. oktober 2026** (nal. 24.00, Kalaallit Nunaata nalunaaqutaa malillugu).

Qinnuteqartoq

Sanioqqunneqarsinnaanngitsumik piumasaqaataavoq,

- **ph.d.**-mut tapiissutini qinnuteqartup
 - kandidatinnngorniarnini (illersorneralu) 1/10 2026-nngortinnagu naammassisimassagaa
 - ilinniarnermi nalaani ilitserorneqarnissaminik, inissaqarnissaminillu qulakkeerisimassasoq.
- **postdoc**-imut tapiissutini qinnuteqartup
 - ph.d.-nngorniarnini (illersorneralu) 1/10 2026-nngortinnagu naammassisimassagaa
 - postdoc-inngorniarnermi suliffissani qulakkeersimassagaa.
- Qinnuteqartoq Kalaallit Nunaanni ilisimatusarnermi piusumi suliatigut atassuteqassasoq:
 - Qinnuteqartup atassuteqarnini uppersarsassavaa (allakkatigut oqaaseqaat (kissaatiginarnerusoq) imaluunniit maileq), assersuutigalugu qinnuteqartoq ilisimatusarfimmi atorfinissasoq, nalunaarsortissasorlu.
- suliniut qinnutigineqartoq tamakkiisumik aningaasalersorneqartoq
 - annerpaamik tapiissutigisinnaasap suliniummi aningaasartuutissat matussusersinnaanngippagit, sinneruttut allatigut matussuserneqarnissaat qinnuteqaammi uppersarsarneqassaaq.
- qinnuteqarfissaq eqqortumik immersorsimassasoq.
- ilanngussat pisariaqartut qinnuteqaammut ilannguneqarsimassasut.
- qinnuteqaammi paasissutissat, ilanngussallu eqqortuussasut.
- kingusinnerpaamik qinnuteqarfissap qaangiutinnginnerani qinnuteqaat stipendier@natur.gl-imut nassiunneqarsimassasoq.


Qinnuteqaat

Qinnuteqariaaseq kiisalu qinnuteqaammut, qinnuteqaatillu isikkusnaanut piumasaqaatit immikkoortup matumap nassuiarpai.

Imarisassaanut, isikkusnaanullu piumasaqaataasut tamarmik naammassineqarnissaat aalajangiisuuvoq. Tunngavissat tunngavigalugit qinnuteqaat suliarineqassaat.

Qinnuteqartup qinnuteqaammik nutarterinera

Kingusinnerpaamik qinnuteqarfissaq qaangiutsinnagu qinnuteqaat nassiunneqareersoq amigaateqartoq qinnuteqartup paasiguniuk, paasissutissaq amigaatasoq ilanngussimatillugu qinnuteqaat tamakkiisoq nassiunneqaqqissaaq. Ilutigisaanik qinnuteqaammut nassiunneqareersumut taarsiullugu qinnuteqaat nassiunneqartoq pillugu qinnuteqartup (stipendier@natur.gl-ikkut) Pinngortitalerifik ilisimatissavaa.



Takussutissiaq 1. Qinnuteqaatip imarisaa, qinnuteqaammillu suliaqarneq

Qinnuteqariaaseq, ilusissaanullu piumasaqaat

Qinnuteqaat tuluttut imaluunniit qallunaatut nassiunneqarsinnaavoq.

Qinnuteqarfissap immersorneratigut, qinnuteqaatillu aamma ilanngussat pdf-filinngorlugit nassiunnerisigut tapiissutit qinnutigineqassapput (takuuk Takussutissiaq 1, qupp. 6):

1. Pinngortitaleriffiup nittartagaani **qinnuteqarfissaq aaguk** (www.natur.gl/naturinstituttet/stipendier)
2. **Qinnuteqarfissaq immersoruk**
 - a. Qinnuteqarfissaq tuluttut imaluunniit qallunaatut immersorneqassaaq, tapiissutinillu kissaateqartumit, suliniummullu akisussaasumit nassiunneqassalluni
3. **Ilanngussat pisariaqartut tamaasa pdf-filinngorlugit OCR-skanikkitt**
 - a. OCR-skan, imaappoq pdf-filimi allassimasoq kopeerneqarsinnaassaaq, pdf-editorimilu oqaaseqaammik allaffigineqarsinnaassalluni
 - b. Pappiaqqap atsionnertallit, naqinnertallit, assigisaanillu imallit assitut skannerneqarsinnaapput
4. **Qinnuteqaat immersorsimasaq, ilanngussallu tamaasa pdf-filimut ataatsimut (1) ataatsimoortikkitt**
 - a. PDF-fileq skrivebeskyttersimassanngilaq (allaffigineqarsinnaajunnaarsinneqarsimassanngilaq), anillatsissinnaajunnaarsinneqarsimassanngilaq, allatigulluunniit illersugaasimassanngilaq. Filimi allassimasoq kopeerneqarsinnaassaaq
 - i. Ilanngussaq allaffigineqarnissaminut illersorneqarpat qinnuteqaammik tigusineq ajornakusoorsinnaavoq, aalajangiisinnaasumillu kinguarsarneqarsinnaalluni
5. Qinnuteqaat **Pdf-filiusoq** stipendier@natur.gl-imut nassiuguk
6. Qinnuteqaatip tiguneranut **uppernarsaat utaqqiguk**
 - a. Ullup suliffiup ataatsip qaangiunnerani qinnuteqaatip tiguneranut uppernarsaat qinnuteqartup tigunngikkuniuk, qinnuteqartup Pinngortitaleriffiup allatseqarfia (adm@natur.gl-imut imaluunniit oqarasuaammut +299 361200-imut) attavigisariaqarpaa.

Suliniutip nassuiaatiginissaanut piumasaqaat

Suliniummik nassuiaat tulluuttunik imaqassaaq:

- Suliniutip siunertaanik aamma tunuliaqutaanik, periutsumik aamma ilisimatusarnerup ilusaanik, ilimatusarnermut tunngatillugu apeqqutini, suliniutip Kalaallit Nunaanni ilisimasani aamma piginnaasanik ineriartortitsinerup suliniutip tapersiissutaanik, nunamilu suleqatigisat aamma nunat assigiinngitsut akornanni suleqateqaraanni taakku pillugit nassuiaalluni **suliatigut pilersaarut**. Suliniutip qulequtaanut attuumassuteqartunik qinnuteqartup najoqqutassanik piusunik atuineranut, Kalaallit Nunaannilu (ilisimatusarnermi) suliniutinut ingerlasunut najoqqutassatut allattorsimaffik naapertuuttariaqarpoq.

Qinnuteqartup eqqumaffigissavaa, qinnuteqaatinik ataasiakkaanik pingaarnersuinerup akimortumik siunnersuisoqatigiit peqataasarmata. Tamanna pillugu innersuussutigineqarpoq, suliniutip nassuiaataa qinnuteqartup suliaqarfiata iluani immikkut ilisimasaliinnarnit kisimi atuarneqarsinnaatinnagu aamma paasineqarsinnaatinnagu, ilisimatusarfinni tamani ilisimatusartunit atuarneqarsinnaatillugu, paasineqarsinnaatillugulu allassimassasoq.

Suliniutip nassuiaataa annerpaamik **A4-t qupperit 5-iussasut** (takussutissiat, naqqani nassuiaatit il.il., najoqqutalli allattorsimaffiat ilanngunnagu), qupperit tamarmik immikkut mellemrum ilanngullugu annerpaamik **3.400 anslageqarnissaanik** sanioqqunneqarsinnaanngitsumik piumasaqaataavoq.

Anslagit amerlassusaat suliniutip nassuiaataata qupperneq kingulliani allassimassaaq.

Anslagit taakku 5×3.400-t A4-ni tallimani inissaqartikkumallugit fontip angissusaa naleqqussarneqartariaqarsinnaavoq.

Missingersuummut piumasaqaat

Suliniutim tamakkiisumik aningaasartuutissat missingersuutini ilaatinneqassapput:

1. Naatsorsuutigisamik akissarsianut aningaasartuutissat
2. Ilinniarnermut tapiissutit
3. Angalanissamut tapiissuteqassappat, taakkununga tapiissutit
4. Ingerlatsineq ilanngunneqarsinnaavoq (postdoc-it kisimik)
5. Siuliani immikkoortuni 1-4-ni toqqaannanngitsumik aningaasartuutissat.

Tabel 1-imi takutinneqartunut qinnuteqaatinut type marluusunut ukiumut annerpaamik aningaasaliisoqarsinnaavoq. Akissarsianut aningaasaliissutit suliffeqarfirmut atorfinitsitsisumut tussapput. Toqqaannanngitsumik aningaasartuutissat, qinnuteqartup suliffigisaani suliffeqarfiit akornanni agguataarneqarsinnaapput.

Tabel 1. Ukiumut annerpaamik tapiissutigineqarsinnaasut (Dkr.)

	Ph.d.	Postdoc
a Akissarsianut aningaasartuutissat	Annerpaamik 480.000	Qinnuteqartumut isumaqatigiissutitigut akissarsiat
b Ilinniarnermut tapiissutit¹	65.000 / 100.000	Aningaasaliiffigineqarneq ajorpoq
c Angalanermut tapiissutit	50.000	Aningaasaliiffigineqarneq ajorpoq
d Ingerlatsineq	Aningaasaliiffigineqarneq ajorpoq	Ilaatigut aningaasaliiffigineqartarpoq
e Aalajangersimasumik toqqaannanngitsumik	Siuliani aningaasat 0-44 %-ii Siuliani aningaasat 0-44 %-ii	

Suliniutinut missingersuutitigut tamakkiisumik aningaasalersorneqanngitsunut tapiissutiniq tunniussisoqassanngilaq. Taamaalluni suliniummi aningaasartuutissat ilaat annerpaamik tapiissutigineqartunit matussuserneqarsinnaanngippata, aningaasartuutissat taakku allatigut, soorlu aningaasaateqarfirmut aningaasaliissutinit matussuserneqarnissaat qinnuteqartup qinnuteqaammuni suliffeqarfiup qinnuteqartup il.il. uppersarsinnaassavaa. Aningaasartuutit aningaasalersueqataaffigineqartussat aningaasaliissutitut nassuiaatitigut imaluunniit neriorsuutitigut uppersarneqassapput, qinnuteqaammullu ilanngunneqarlutik.

Toqqaannanngitsumik aningaasartuutissat

Toqqaannanngitsumik aningaasartuutissat matussusernissaannut aningaasaliissuteqartoqassaaq, imaappoq qinnuteqartup suliniummik ingerlatsisinnaanissaanut aningaasartuutit pisariaqartut, toqqaannartumilli suliniummut atassuserneqarsinnaanngitsut (assersuutigalugu sulinermit atortussanut, ineqarnermut, ininut, allaffissornermut il.il. aningaasartuutit).

Suliniummut toqqaannartumik aningaasartuutissanut tamakkiisumik aningaasaliissutit aalajangersimasumik procentiinik toqqaannartumik

¹ Takuuk Tapiissutit, *qupp. 9*.

anigaasartuutissat naatsorsorneqartarput (imaappoq, anigaasartuutit suliniummut toqqaannartumik tutsinneqarsinnaasut; qupp. 9-imi Tabel 1-imi $a+b+c+d$). Procentitaa assigiinngisitaarpoq, ataanilu Tabel 2-mi takutinneqartut suliffeqarfiup allatsiffigisap (ph.d.) imaluunniit atorfinitsitsisup (postdoc) inatsisitigut inissimaffia malillugu aalajangersarneqartarluni.

Suliffeqarfinnut toqqaannanngitsumik anigaasartuutissat/tapiissutissat pisoq aallaavigalugu naliliinikkut tapiissutigineqarsinnaassapput. Taakkunannga tapiiffigineqassagaanni, qinnuteqaat tunngavilersukkamik siunnersuuteqassaaq.

Tabel 2. Suliffeqarfiup suuneranut, toqqaannanngitsumillu anigaasartuutissat porocentiisa annertussusaasa takussutissartaa

Suliffeqarfiup suussusaa	Procentip annertussusaa
• Kalaallit Nunaanni, Danmarkimilu naalagaaffiup suliffeqarfii, matumani ilisimatusarfiit ilanngullugit	44,0
• Danmarkimi nunap immikkoortortaasa, kommunillu suliffeqarfiit, matumani napparsimmaviit ilanngullugit	3,1
• Teknologimik Sullissiviit akuerisaasut	20,0
• Aaqqissuussisimanerit, suliffeqarfiillu namminersortut	0
• Nunani allani suliffeqarfiit tamarmik, matumani nunani allani ilisimatusarfiit ilanngullugit	0

Aningaasalersueqataaffigisaq

Tapiissutit uani allaaserineqartut aqutigalugit suliniut anigaasalersorneqartoq, allanit – assersuutigalugu ilinniarfissuarmat imaluunniit anigaasaateqarfimmit namminersortumit - ilaatigut anigaasaliiffigineqarsinnaavoq. Suliniut taamatut anigaasalersueqataaffigisassaaq pillugu qinnuteqaat, allat anigaasalersueqataanissaminnut neriorsuutaat tamarmik uppersaaitut ilanngunneqassapput. Aningaasat matussuserneqartut tamarmiusut aamma/imaluunniit sullissinertut tunniunneqartut pillugit neriorsuummi allassimassapput.

Ph.d.-mut qinnuteqaammut immikkut ittumik piumasaqatit

Ph.d.-mut qinnuteqaat minnerpaatut tulluuttunik ilanngussartaqassaaq:

1. Suliniutip nassuiaataa (takuuk qupperneq 7)

2. Kandidatimut soraarummeersimanermut uppernarsaat
3. Kandidatimut ilinniarnermi karakterit assilinerat
4. Immikkut naliliinerup assilinerat (karakterit aamma/imaluunniit oqaaseqaat)
5. Immikkut sammisap taaguuta, immikkullu suliap eqqikkarnera
6. Qinnuteqartup CV-a, suliap takussutissartaa ilanngullugu (*annerpaamik quppernerit marluk*)
7. Pingaarnertut ilitsersuisup CV-a (*annerpaamik quppernerit marluk*), suliallu takussutissartaa
8. Missingersuutit ersarissut, paasiuminartullu (takuuk qupperneq 8)
 - a. Allat aningaasalersueqataanissaminnik, taamaattoqarpat, neriorsuutaat
9. Ilisimatusarfimmit allatsiffigisamit akuersissut.

Ilanngussaq: Qinnuteqartup CV-a

Qinnuteqartup CV-a tulluuttunik paasissutissartaqassaaq:

- Ilinniarsimaneq
- Massakkut, kingullertullu atorfiit
- Sulinngiffeqarsimagaanni sulinngiffeqarsimaneq (piffissat sulinngiffeqarfiit, meerartaarnermut aamma meeravissiararnermut atatillugu sulinngiffeqarneq minillugu)
- Ilisimatusarnermi allatigut piginnaasat.

CV paasissutissanik mianernartunik aamma/imaluunniit isertuunneqartariaqartunik (soorlu inuup normuanik) paasissutissaqassanngilaq.

Ilanngussaq: pingaarnertut ilitsersuisup CV-a, sulianullu takussutissiaq

Pingaarnertut ilitsersuisup CV-a tulluuttunik paasissutissartaqassaaq:

- Ilinniarsimaneq
- Massakkut, kingullertullu atorfiit
- Ilisimatusarnermi piginnaasat
- Akademiskimi nersornaatit
- Aqutsinermi misilittakkat
- Ilisimatusarnermi ukkataqarfiit
- Ph.d.-nngornianik ilitsersuineq.

Pingaarnertut ilitsersuisup sulianut takussutissartaa tulluittunik paasissutissartaqassaaq:

- Ukiumi matumani, ukiunilu kingullerni sisamani Ph.d.-mut suliniummut takussutissanut immikkut pingaarutilinnut innersuussutit.

Takussutissat ilanngullugit nassiunneqassanngillat.

CV paasissutissanik mianernartunik aamma/imaluunniit isertuunneqartariaqartunik (soorlu inuup normuanik) paasissutissaqassanngilaq.

Ilanngussaq: Missingersuutit

Piffissaq suliffiusoq apeqqutaatinnagu aningaasatigut sinnaakkutissat iluini ingerlataq ingerlanneqarsinnaassaaq.

Qinnuteqartup atorfimmini isumaqatigiissutaa naapertorlugu akissarsianut aningaasartuutissat suliffeqarfimmut atorfinitsitsisoq peqatigalugu, qinnuteqaatip nassiutinnginnerani isumaqatigiissutigineqarsinnaapput:

- Akissarsianut aningaasartuutit tapiissuteqarfiup ingerlanerani, isumaqatigiissutitigut allannguutit malitsigisaannik naleqqussarneqarsinnaassapput, ph.d.-nillu tapiissutitut ukiumut 480.000 koruunit qaangersinnaassanagit² (piffissami akuersissuteqarfiusumi agguaqatigiissillugu naatsorsorlugu)
- Malittarisassat naapertorlugit atorfiniffigisaq napparsimanermi aamma meerartaarnermut atatillugu qaavatigut aningaasartuutit matussusissagai naatsorsutigineqarpoq (tassunga immikkut aningaasaliisoqassanngilaq).

Tapiissutit

Ilinniarnermut tapiissutit immikkut ittumik tunniunneqassapput, assersuutigalugulu ilisimatusarfimmut taxameterinut, pikkorissarnernut, isumasioqatigiinnernut, atuakkanut, ph.d-nngorniarnermilu atortussanut allanut akiliutit matussusissallugit. Piffissami tapiissuteqarfiusumi ukiumi ilinniarfiusumi ataatsimi ilinniarnermut annerpaamik tapiissutit Tabel 3-mi takutinneqarput.

Tabel 3. Ph.d.-nut suliniutinut ilinniarnermut ukiumut annerpaamik tapiissutigineqarsinnaasut

	Suliniuteqarfik	Tapiissutit
a	Teknikkip, peqqissuseq pillugu ilisimatusarnerup, pinngortitamillu ilisimatusarnerup iluani tapiissutit	kr. 100.000
b	Kulturip, inuiaqatigiilerinullu iluani tapiissutit	kr. 65.000

² Feriepengit ilanngullugit

Taassuma saniatigut suliaqariartornissamut il.il. immikkut ittumik pisariaqartitamut ukiumi ilinniarfiusumi ataatsimi annerpaamik 50.000 koruuninik tapiissuteqartoqarsinnaassaaq. Angalanissap nassuiaataa qinnuteqaammi allassimassaaq, angalanissamulli missingersuutit annikitsortai ilanngullugit nassuiaatigineqartariaqanngillat.

Ilinniarnermi tapiissutit, angalanermullu aningaasartuutit suliffeqarfiit arlaqartut, taakkua akunnerminni isumaqatigiissutaat malillugu akornanni agguarneqarsinnaapput. Ph.d.-nut suliniutinut annerpaamik sinaakkutissatut aningaasaliissutit tamarmiusut Tabel 4-mi takutinneqarput.

Tabel 4. Ph.d.-nut suliniutinut type a-nut aamma b-nut ukiumut annerpaamik tapiissutigineqarsinnaasut (sinaakkutissatut aningaasaliissutit)

	Ilinniarnermut tapiissutit + angalanermut tapiissutit	Ukiumut	Ukiunut pingasunut
a	100.000 + 50.000	150.000	450.000
b	65.000 + 50.000	115.000	345.000

Ilanngussaq: Ilisimatusarfiup allatsiffigisap akuersissutaa

Qinnuteqartoq ilisimatusarfimmi, tapiissutinut aningaasaliissutinik aqutsisumi, ph.d.-nngorniamullu akissarsisitsisartumi allanneqassaaq (atorfinitinneqassaaq). Ilisimatusarfiup allatsiffigisap qinnuteqartoq ph.d.-nngorniarnernanik akuersineranut uppersarsaat atsiorneqarsimasooq, assersuutigalugu suliffeqarfimmi suliniutip ingerlanneqarfissaani aqutsisumit allakkatigut, qinnuteqartup ilanngussatut ilanngutissavaa.

Ph.d.-nngorniarmimmi ilinnialernissamik neriorsuut pisariaqanngilaq.

Qinnuteqartoq ilisimatusarfinni marlunni allatsippat, aappaannaata aningaasaliissutit aqussinnaassavai.

Postdoc-imut qinnuteqaammut immikkut ittumik piumasagaatit

Postdoc-imut qinnuteqaat minnerpaatut tulluittunik ilanngussartaqassaaq:

1. Suliniutip nassuiaataa (takuuk qupperneq 7)
2. Ph.d.-tut ilisimatuutut allaatigisap nalilersorneqarnera
3. Ph.d.-gradinngornermut uppersarsaat
4. Ph.d.-tut ilisimatuutut allaatigisap taaguutaa, ilisimatuutullu allaatigisap eqikkarnera
5. Qinnuteqartup CV-a, suliallu takussutissartaa (*annerpaamik quppernerit marluk*)

6. Missingersuutit ersarissut, paasiuminartullu (takuuk qupperneq 8)
 - a. Allat aningaasalersueqataanissaminnik, taamaattoqarpat, neriorsuutaat. Aningaasat matussuserneqartut tamakkiisut aamma/imaluunniit tunniussat neriorsuummi allassimassapput
7. Naatsorsuutigisamik suliffeqarfissamit akuersissut.

Ilanngussaq: Ph.d.-tut ilisimatuutut allaatigisap nalilersorneqarnera

Postdoc-imut tapiissutininik qinnuteqaat tulluittunik imaqassaaq:

- Ph.d.-gradimut uppernarsaat (karakterit – imaluunniit karakteriliisoqarneq ajorpat oqaaseqaat)
- Ph.d.-tut ilisimatuutut allaatigisap eqikkarnera.

Ph.d.-tut ilisimatuutut allaatigisap nassiunneqassanngilaq.

Ilanngussaq: Qinnuteqartup CV-a

CV tulluittunik paasissutissartaqassaaq:

- Ilinniarsimaneq
- Massakkut, kingullertullu atorfiit
- Sulinngiffeqarsimagaanni sulinngiffeqarsimaneq (piffissat sulinngiffeqarfiit, meerartaarnermut aamma meeravissartaarnermut atatillugu sulinngiffeqarneq minillugu)
- Ilisimatusarnermi allatigut piginnaasat.

CV paasissutissanik mianernartunik aamma/imaluunniit isertuunneqartariaqartunik (soorlu inuup normuanik) paasissutissaqassanngilaq.

Ilanngussaq: Naatsorsuutigisamik suliffeqarfissamit akuersissut

Naatsorsuutigisamik suliffeqarfissap, tapiissutininik aqutsisussap akuersinera atsiorsimasoo qinnuteqartup nassiutissavaa.

Missingersuutit

Postdoc-imut qinnuteqaat akissarsianut, toqqaannartumillu aningaasartuutissanut allanut ersarissumik missingersuummik ilaqassaaq. Postdoc-imut suliniutit annerpaamik ukiunik marlunnik sivilissuseqarsinnaapput.

Qinnuteqaammik suliaqarneq

Kingusinnerpaamik qinnuteqarfissap qaangiutereernerani Pinngortitaleriffiup allatseqarfiata qinnuteqaatini tiguneqarsimasuni, allagarsiussami piumasaqaatit naammassineqarnersut paasineqarnissaa siunertaralugu qinnuteqaatit nalunaarsorlugillu misissussavai. Taassuma kingorna qinnuteqaatit

akimortumik Nunatsinni Ilisimatusarnermik Siunnersuisoqatigiinnit, inaarutaasumik pingaarnersuisussamit naliligassanngorlugit nassiunneqassapput.

Kingusinnerpaamik qinnuteqarfissap qaangiunnerani naammassineqarsimallutik kandidatinnngorniarneq imaluunniit ph.d.-nngorniarneq pillugu oqaaseqaatit, kingusinnerpaamik qinnuteqarfissap qaangiutereernerani sapaatip akunnera tikillugu tiguneqarsinnaapput.

Kingusinnerpaamik qinnuteqarfissap qaangiutereernerani qinnuteqaat tunniunneqaruni, siuliani piumasaqaatinik naammassinninngippat imaluunniit qinnuteqarnermi immersugassaq atorlugu nassiunneqarsimanngippat, tak. Det Frie Forskningsrådip ataani aningaasaliissuteqartarneq pillugu nalunaarummi nr. 1620, 15/12/2010-meersumi § 4, nalilersuinertaqaanngitsumik itigartinneqassaaq. Siornatigut qinnuteqaatit innersuussutigissallugit naammanngilaq.

Taakkua saniatigut qinnuteqaat ph.d.-mut imaluunniit postdoc-tapiissutitut siunertaanngitsunut tunngassuteqarpat itigartinneqassaaq.

Nalilersuinissami tunngaviit

Nunatsinni Ilisimatusarnermik Siunnersuisoqatigiit qinnuteqaat tiguneqarsimasoq, tulliuttunik naliliinermigut naliliiffigissavaa

1. ph.d.—mut imaluunniit postdoc-imut suliniutip **ilisimatusarnikkut pitsaassusaa**
 - a matumani siunertap, periutsit teoriillu nassuiaatigineri ilanngullugit, matumani najukkami nalinginnaasumilli ilisimasat akuutinneqarnerat, kulturikkut aamma inuiaqatigiinni tunngaveqarnerat kiisalu suliniutip ilisimatusarnermut tapersiissuteqarnerata pingaaruteqassusia ilanngullugu
2. qinnuteqartup **suliatigut piginnaasai**
 - a matumani (ph.d.-nut) karakterit agguaqatigiissinnerat, issittumilu ilisimatusarnermi siornatigut misilittakkat ilanngullugit
3. suliniummik piginnittut **suliniummik naammassinninnissaminut periarfissaqarnera**
 - a matumani missingersuutit piviusorsiorpalaarnersut kiisalu ataatsimut aaqqissuussaaneq aamma suliniummik aqutsineq ilanngullugit, taamaalilluni suliatigut aamma nunat assigiinngitsut akornanni qaffasissuseq qulakkeerneqarniassammat

4. **Kalaallit Nunaanni aaqqissuussisimanerni ilisimatusarnermi piginnaasanik ineriartortitsinikkut** naatsorsuutigisamik angusassat
5. **Inuiaqatigiinni ajornartorsiutaasunik piusunik** iluarsinikkut, **naleqarnerulersitsinikkullu** naatsorsuutigisamik angusassat
6. Suliniummut piginnittup **inuiaqatigiinnut ilisimatitsinissamut periusissaa, tunniusimanissaalu.**

Tunngaviit ataasiakkaat sapinngisamik siammasissumik naammassineqarsimanissaat, naliliinermi Nunatsinni Ilisimatusarnermik Siunnersuisoqatigiit pingartissavaat. Taamaakkaluartoq tunngaviit assigiinngitsut annerusumik, minnerusumilluunniit naammassineqarsinnaallutik tamaat isigalugu naliliisoqartuaannassaaq. Qinnuteqartut akornanni unammineq pillugu, tunngavinnik naammassinninneq aningaasaliinermik kinguneqassasoq neriorsuutigineqanngilaq.

Tamanut saqqummiussineq

Kingusinnerpaamik qinnuteqarfissap qaangiunneranit qaammatit marluk missaasa qaangiunnerinit qinnuteqartoq Pinngortitaleriffimmit akuersissummik imaluunniit itigartissummik allakkatigut nassinneqassaaq.

Qinnuteqaat akuerineqarpat, qinnuteqartup aamma suliniummi peqataasussat aqqi, suliniutip sumi ingerlanneqarnissaa, suliniutip taaguutaa aamma sivilussusissaa, aningaasaliissutini pingaarnertut kisitsisit, matumani aningaasaliissutit amerlassusaat ilanngullugit paasissutissat Pinngortitaleriffiup (www.natur.gl) aamma Nunatsinni Ilisimatusarnermik Siunnersuisoqatigiit (www.nis.gl) nittartagaanni saqqummiunneqassapput. Taakkua saniatigut suliniutip ilisimatusarnermi nassuiaataa taakkunani tamanut saqqummiunneqarsinnaavoq.

Qinnuteqartut aqqi, suliniutillu taaguutaat aningaasaliiffigineqanngitsut tamanut saqqummiunneqassanngillat, paasitinneqarsinnaatitaanerli pillugu inatsit malillugu assersuutigalugu qinnuteqartut tamarmik aqqi, suliniutillu taaguutaasa tamarmik allattorsimaffiat pissarsiariumaneqarsinnaapput. Tamanna pillugu qinnuteqartup eqqumaffigissavaa, suliniutip taaguutaa isertuunneqarusutanik paasissutissanik imaqqassanngikkaluarmat.

Ilanngussaq

Ukiunut pingasunut ph.d.-mut missingersuutitut assersuut

Aningaasartat takutinneqartut tamarmik Dkoruuniupput.

Suussusaa	Assersuutit	Nalinginnaasunik uanga akilerneqartarput
Atuakkat, IT-licensit, IT-atortut il.il.		Toqqaannanngitsumik aningaasartuutit
Akissarsiat	Isumaqatigiissut apeqqutaassaaq, kisianni nalinginnaasumik qaammammut 30.000- 34.000 koruunit missaat – imaappoq, ukiumut 360.000-410.000 koruunit missaat.	Akissarsianut aningaasartuutit
Angalanermi aningaasartuutit	Angalanernut ukiumut annerpaamik 50.000 koruuninik tapiissuteqartoqarsinnaavoq, imaappoq suliartoqassappat, tassani assartuineq, nerisassat, ineqarnerlu ilanngullugit katillugit 150.000 koruunit.	Angalanermut tapiissutit/ ilinniarnermut tapiissutit
Marlunni allatsinneq	Ilisimatusarfimmi allami aamma allatsinnissaq kissaatigigaanni angalanermut, ineqarnermullu kiisalu immaqa "ilinniarnermut akiliutissanut" qaavatigut aningaasanik immikkoortitsisoqassaaq.	Ilinniarnermut tapiissutit
Paasissutissanik katersineq, suliaqarnerlu	Paasissutissanik katersinerup kingunerisaanik aningaasartuutaasinnaasut aamma/imaluunniit, assersuutigalugu apersuilluni immersugassanik nassitsineq imaluunniit toqqorsivinnut imaluunniit paasissutissaasivinnut isersinnaaneq.	Ilinniarnermut tapiissutit
Nalilersuineq, illersuinerlu	Ilisimatusarfiit ilaasa nalilersuinerit, illersuinerillu toqqaannanngitsumik aningaasartuutissaminnit aningaasalersortarpaat, taamaalillunilu ilinniartunut tapiissutit aqqutigalugit ingerlatsinissamut tapiissutit atugassaqaqarnerulersillugit.	Ilinniarnermut tapiissutit / toqqaannanngitsumik aningaasartuutit